

Ճանապարհային ոստիկանության վարչական իրավախախտման գործով 04.05.2022թ. կայացված ԱՖ934144 որոշումն անփոփոխ, իսկ վարչական բողոքն առանց բավարարման թողնելու մասին

<< 10 >> 05 2022թ. 7-13- 5289

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արմենակ Ավագյանի ՄԴ/27632-22 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Արուսյան քաղաքի, 4-րդ միկրոշրջանի, 42-րդ շենքի, 8-րդ բնակարանի բնակիչ Արմենակ Ավագյանը դիմումով խնդրել է բեկանել 04.05.2022թ. կայացված ԱՖ934144 որոշումը՝ նշելով, որ համաձայն չէ որոշմամբ արձանագրված իրավախախտման հետ: Վերջինս հեռախոսազանգի միջոցով պնդել է դիմումում նշած հանգամանքները և պահանջել գրավոր պատասխան:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 04.05.2022թ. կայացված ԱՖ934144 որոշումը ենթակա է կատարման հետևյալ պատճառաբանությամբ.

«Հանրավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման Հավելված N 1-ի 103-րդ կետի համաձայն՝ տրանսպորտային միջոցի վարորդը չպետք է խոչընդոտ ստեղծի չկարգավորվող հետիոտնային անցումներով երթևեկելի մասը հատող հետիոտներին:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 6-րդ մասի համաձայն՝ տրանսպորտային միջոցների վարորդների կողմից հետիոտնային անցումների հատման կանոնները խախտելը առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով:

Ուսումնասիրությամբ պարզվել է, որ 04.05.2022թ. ժամը 13:30-ի սահմաններում Արուսյան քաղաքի Հատիսի փողոցում դիմումատուի վարած <<MERCEDES>> մակնիշի 37LR878 հաշվառման համարանիշի ավտոմոբիլը կանգնեցվել է Ճանապարհային ոստիկանության ՃՊԾ 2-րդ սպայական գումարտակի, 3-րդ սպայական վաշտի, Ծաղկաձորի սպայական ջոկի տեսուչ, ոստիկանության կապիտան Կ.Հովհաննիսյանի և նույն ջոկի տեսուչ, ոստիկանության կապիտան Շ.Սարգսյանի կողմից ճանապարհային երթևեկության կանոնի խախտման համար՝ այն է տրանսպորտային միջոցի վարորդը խոչընդոտ է ստեղծել չկարգավորվող հետիոտնային անցումներով երթևեկելի մասը հատող հետիոտներին, ինչի հիման վրա Վարչական իրավախախտումների վերաբերյալ ՀՀ օրենսգրքի 124-րդ հոդվածի 6-րդ մասով կայացվել է վարչական իրավախախտման վերաբերյալ գործով ԱՖ934144 որոշումը:

Ճանապարհային ոստիկանության ծառայողների կողմից տրված պարզաբանումների համաձայն՝ դիմումատուի կողմից կատարած իրավախախտումը հիմնավորող տեխնիկական միջոցների կիրառմամբ ձեռք բերված այլ ապացույցներ առկա չեն, սակայն իրավախախտումը եղել է անմիջապես իրենց տեսադաշտում, ակնհայտ և պարզ տեսանելի ինչի համար սահմանված կարգով կանգնեցվել է ավտոմոբիլը, վարորդին պարզաբանվել իրավախախտման բնույթը և կազմվել է համապատասխան արձանագրություն և կայացվել է ԱՖ934144 որոշում: Վարորդը ծանոթացել է արձանագրության հետ, նշել է իր անհամաձայնությունը ստորագրել և չի ստացել որոշման իր օրինակը: Ոստիկանության ծառայողները հայտնել են նաև, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ ճանապարհային երթևեկությունը կարգավորող ոստիկանության ծառայողը պարտավոր է սույն հոդվածի երրորդ մասով սահմանված կարգով ազդանշան տալով կանգնեցնել տրանսպորտային միջոցը, եթե՝ ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները, կամ տրանսպորտային միջոցի ընթացքը կամ տեղափոխվող բեռը, կամ վարորդը կամ ուղևորներն իրենց վարքագծով ակնհայտորեն վտանգ են ստեղծում երթևեկության անվտանգության համար: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 124-րդ հոդվածի 6-րդ մասի հատկանիշները, իսկ ԱՖ934144 որոշումն օրինական է և հիմնավոր, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 04.05.2022թ. կայացված ԱՖ934144 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում.
3. Սույն որոշման օրինակն ուղարկել Արմենակ Ավագյանին:

Ե. Կարապետյան

